

Kontrola ko saobračajno komiteti

Ako tu ja dijekh aver manuš hine ko jekh saobračajno incidenti, o saobračajno komiteti ka čerel kontrola ki kompenzacia so dela o osiguranje ako phagljen pro, čang, vas ja diso aver. I blanketa hem o procesi tane ki Švedsko čhib hem bizo pare. I konstatacia so dela o komiteti tano jekh savet baš o osiguranje. O komiteti čerela kontrola ko duj tipija situacije; obavezno tipi hem procesno tipi. Akija informacia akate tani baš o obavezno tipi.

Obavezno tipi

To osigiranje valjani te bičhalji i informacia ko komiteti te čerel i kontrola. Sar ko primer ako o medicinsko invaliditeti tano najhari 10 procentija. I kontrola mora te čerel pe, nema veze ako tu hem to osigiranje aljen đi ko dogovor ja na.

Ako tano o procesi ki organizacia baš o saobračajno osiguranje (TFF), tegani o TFF valjani te bičhalji sa i informacia hem i dokumentacia ko komiteti.

Keda tano o slučaj obavezno tipi, tu našti te khuve ki oficialno internet strana hem digitalno te pratine o procesi.

To osiguranje dikhela so desisalo hem čerela jekh promemoria. Othe ka pisini savo predlog isi olje to osiguranje baš i kompenzacia, so tu mislineja odoljestar hem othe ka oven o važna dokumetija so ka đan ko saobračajno komiteti. O osiguranje ka bičhalji prvo tuče i promemoria, angljeder te resel ko komiteti.

Da li šaj me kokri te pisinav i blanketa, o komiteti te čerel kontrola?

Ako tano o slučaj obavezno tipi, tu našti te pisine i blanketa kokri hem te bičhalje ko saobračajno komiteti.

Sar čerela pe i kontrola?

1. To osiguranje bičhalji o slučaj ko saobračajno komiteti.
2. O slučaj ka ovel registririmo hem ka čerel pe kontrola upro oljeste. Palo odova o komiteti pisini i konstatacia.
3. O komiteti bičhalji i konstatacia ko to osiguranje.
4. To osiguranje bičhalji i konstatacia tuče.

Kobor vreme ka doljel o komiteti te čerel i kontrola?

O procesi šaj te ovel maškaro 3 hem 6 masek baro. Ko disave situacije o rok šaj te barjačeri pe.

Ki savi čhib ka ovel o procesi?

O procesi hem i kontrola ko komiteti ka ovel ki Švedsko čhib.

Da li šaj te ovel man advokati?

Tu šaj te ovel tut jekh advokati so ka pomožini tut ko procesi, ama odova nane obavezno. Ako tu mangeja te ovel tut jekh advokati o osiguranje ka anel odluka da li šaj odova te platini pe. Ako našti, tu valjani kokri tegani te platine e advokate.

Da li šaj te ovav othe ked o komiteti ka čerel buti?

Tu hem to advokati našti te oven othe ked o komiteti ka čerel buti. I kontrola o komiteti ka čerel ki pisimi forma.

Da li o osiguranje mora te čerel odova so phenela o komiteti?

O komiteti dela jekh konstatacia ki pisimi forma sar jekh savet. Sebepi so i konstatacia tani sar savet, o osiguranje nane obavezno te čerel sar o komiteti so phenela. Ama, ko but situacije o osiguranje šunela hem čerela so phenela o komiteti.

Da li šaj te mukhav žalba?

Tu našti te mukhe žalba ki konstatacia so anđa o komiteti. Ako tu na hijan zadovoljno savi konstatacia anđa o komiteti ja ako to osiguranje na mangela te promini i odluka, tu šaj celo akija situacia te prijavine ko sudo. Ko sudo šaj i odluka so o osiguranje anđa te dikhel pe podetaljno, a na i konstatacia so o komiteti anđa. Isi šansa hem o pravilo kotar i preskripcia te ovel aktivno. Baš i pobuter informacia so važini ki esavki situacia, valjani te kontaktirine to osiguranje.

Pobuter informacia isi ko www.trafikskadenamnden.se